

百
柱
堂
全
集

百柱堂全集卷十九

庚申

辛酉

監利王柏心子壽著

詠史

衣錦開營錢尙父曾揮一劍制諸州
誰知鐵牡無端失燒盡
雄軍鎮海樓

張軍門歌

哀張殿臣軍門也

登壇者誰先憤奔戰死獨有張軍門
軍門奮迹起羣盜能以
赤心酬

主恩桂林侍御精鑒裁

軍門初爲刼盜後詣大營降則桂林朱伯韓侍御實主之

川西老

將能用才

謂向軍門

朝爲偏裨暮作帥年少拔起當河魁
張家黑

幟威名壯驍賊見之魂魄喪單騎親突萬軍中火箭橫飛接

馬上

能於馬上接火箭

力復江淮數十城全吳不覩烽燧驚下令恤

民專殺賊壺漿夾道皆歡聲去年建策修長圍壕塹三重斷
走飛檻中窮獸日夜泣翹足可展犁巢威蒼鷹奮擊不受絀
駿馬脫銜疾電掣閫外進退孰專決坐恨庸才制雄傑奔星
去秋犯牛斗去秋九月二十二夜有奔星如月犯牛斗牛斗之次主吳越春雪寒飛三尺
厚壞雲如山宵壓營軍門裹創劍在手格鬪未已俄喪軀雄
師十萬骨亦枯豈惟精銳飽豺吻天柱長城今則無吁嗟乎
國家羅致文武士奇才翻自綠林起天生忠孝好男兒不遺
功成先戰死白門悲風夜不止怒激江濤歟海水

卽事和譚力臣明經

江水滔滔日向東杖藜歎世兩衰翁側身朔海飄零際放眼
乾坤涕淚中壯士戈鋌猶自鬪書生鉛槧竟何功雞聲對舞
思琨越年少方能意氣雄

連營歲歲扞封狶疾擊誰爲驚鳥飛師老未收淮蔡績謀乖
翻恨鄴城圍東南全局成灰燼今古庸才闕事機獨遣孝侯
甘戰死謂殿臣軍門覆軍此責竟誰歸

飲馬錢塘與具區羣凶得計敢長驅不聞越甲興句卒又見
吳門失湛盧潮起鯨鯢騎泚水臺傾麋鹿上姑蘇眼中逆景
縱橫甚問有梁家僧辨無

儒臣受詔領殘疆寇熾師單乏宿糧總轡更馳危坂峻持膠
難制濁河狂登壇國士猶嗟晚保塞江關未易防楚蜀上游
根本重可無犄角固金湯

河運江船久不行仍聞租賦隔滄瀛持籌賈豎無奇策仰屋
司農有歎聲北斗酒漿難用挹西園價直亦何輕

累朝恭儉先天下誰道凋虛困甲兵

島夷窺隙屢乘潮北望津門祲未銷狼宿已占天上動蜃樓
還向日邊驕入援方鎮送多梗並海旌旗影盡搖表餌年來
無定議豈聞戰守決

中朝

詞人傷亂託詩篇變雅離騷自昔然尙憶漢家全盛日深期
殷武中興年竇區寇盜仍難息吾屬艱屯詎足憐白首奉親
猶至樂幾時薄海靖烽煙

螺阜高處俯視橫潦

拳石削巉峴能回萬里瀾長蛟吞不得捧出浪花端
浩若泛滄溟銀臺望未局中流飛渡穩鼃背一痕青
何必尋源使浮槎始上天世人但相訝太乙下乘蓮
駭矣湯湯勢榴巢澤國農誰能招雁戶拔宅最高峰
里居被潦湘秋枉詩垂訊書此奉畬

秋氣動煙蘿浩然歸興多烽塵遠豺虎井里傍鼃鼃執訊憂

橫潦題詩問礪阿敞廬枕山麓降洞幸無佗

軍國徵求亟車船權算勞大都談抵掌不過析秋毫子亦持
籌往時方峻網操願言寓寬卹豈在盡錐刀

漲落戲題

先生釣宅枕江頭漲起連天勢欲浮一夜蛟鼉潛徙窟門前
還我白螺洲

愁霖

秋漲復如此秋霖無盡時正嗟安宅少翻訝漏天移龍龜皆
升砌鷗鳬只傍籬滂沱仍不止未是洗兵期

簷溜承朝夕喧如萬壑鳴低雲迷鳥路高柳斷蟬聲調發仍

難緩煙塵總未清樓船遲擊楫多恐涇前旌

寄黎伯容參軍

滅盡元龍意氣豪低頭從事着青袍不妨起舞爲鵲鴒未省
何官是馬曹遠道懷人愁鼓角故山招隱悵蓬蒿天教七澤
容羈宦或遣奇才續楚騷

家月樵茂才持放鶴圖屬題

仙人樓逐煙塵飛仙人之鶴今不歸空堂赤壁亦焦土血濺
元裳污縞衣孤山亭外烽無數揚州但有蕪城賦瑤草金光
半已凋君將放鶴向何處君不見白骨東南最可哀髑髏委
地成高臺鵲鴒怒號縱貪吻鳳凰驚驚安在哉汝鶴本具神

仙骨長鳴志在瑤臺月不能授甲赴沙場何事乘軒溷塵壘
江湖腥腐不堪飽便當放之向蓬島又恐龍伯連六鼈揚波
怒蹴三山倒君愛胎禽殊羽族我方借得仙人鹿豈如結伴
超九垓皓月丹霞共翔逐昔聞子晉吹鳳笙曾接浮邱朝玉
京請君駕鶴我騎鹿下視浮雲攀太清

又題月樵觀釣圖

涓涓盈尺蹄涔水大魚揚鬣不在此投竿但見纖鱗起終日
觀之獨何以是閒豈有任公子君今欲往觀垂綸何不東遊
滄海濱設餌須投五十犢盈車之絲纆作緡歎忽吞舟象山
岳中鉤奮起何鱗峒雷霆輝赫震千里掣出洪波如有神君

言觀釣每獨造豈別江湖與行潦超然意若忘魚筌垂釣何
如觀釣好况聞善釣不輕舉得不先迎失不拒治國治民皆
可通臨淵更憶詹何語磻溪老人臨渭流但用丹書持作鉤
意中豈復在鱸膾直與蒼姬釣九州丈夫不遇便放浪烟水
一竿皆可往天家物色無用求笑謝雲臺將與相

答贈白海仙

昌壽

詩筆蒼頭起異軍君家重見武安君不辭短櫂浮江水肯向
空山問野雲卷裏悲歌驚變徵眉閒精悍薄秋雲如何矯矯
干城選但遣毛錐日策勛

一旅湖干奮義師當年破竹更窮追征袍飛血波迎艦舞劍

豪吟月照旗罷戰獨能逃爵賞算縉猶自佐軍資全吳今又
淪豺豕盡起重煩白羽麾

海仙以所輯洞庭詩話見示率題其後

帝子幽絃萬古靈騷人來往擷芳馨盡教收入軒皇樂九奏
鈞天發洞庭

廿五篇騷讀易終全吞雲夢未爲雄如何一卷煙波闊日夜
乾坤納此中

秋漲

陽侯鼓浪再浮空復歎懷襄在眼中頗似夫差執金鼓黃池
暮氣尙爭雄

秋來江氣帶龍腥，吸引岷源與洞庭。漫挾百川先自壯，順流終要見滄溟。

登山望江漲

今年夏仲江水沒夷陵城可二十餘丈蓋從古未有之事頃已秋仲矣而下游橫潦仍未消涸

西來江出下牢關，貫絡東南天地間。自古靈長功閼下，無端悍疾怒漂山。沃洲猶恐淪將沒，息壤真疑盜未還。秋老蛟龍仍跋浪，橫流誰起濟時艱。

咄嗟復咄嗟行

咸豐庚申二月金陵窮賊潰圍而出，張殿臣軍門躍馬逐之，戰方酣，有發火鎗擬其後者，軍門立殞。則大臣某奴子受賊金爲此謀也。軍門麾下卒盡見之，痛哭且大譁，大臣

某惶遽自裁或云大臣縱奴不問疑預聞焉王子悲之賦
是篇也

咄嗟復咄嗟重臣一旦爲長蛇長蛇不在赤眉輩乃在登壇
高建牙賊中最憚只張帥誰料重臣更深忌百戰奇功轉見
訶伏謁轅門恆屏氣重臣養得霍家奴逆賊暗遣金與珠教
之乘閒斃張帥射影爲蛾潛伏狙約成賊果犯壕進張帥躍
馬當豺獮變生肘掖火槍作裂背洞胸頭骨枯金陵窮寇遂
得志一舉輟越兼沼吳嗚呼長城忍自壞爲賊剗刃出意外
張帥誓死期報

君死賊死奴何足分君不見來歛死岑彭亡雖中刺客劍何

異殞沙場毒矢伏機代賊發重臣汝獨何肺腸汝養奸奴受
賊使賊亦視汝若奴比奇冤不散成愁雲誰叩閭闔爲陳此
奸奴菹醢不足數重臣死猶汚厚土潛夫驚咤摧肝腸蠶蠶
居然仆天柱百身莫贖淚如雨何況三吳眾士女

九曾赴鄂過談夏間夷陵潦勢

江沒夷陵城上樓蛟龍鼓浪助陽侯全傾巴峽無餘水欲倒
荆門與併流託命危同孤嶼泊淩波幸有一壺浮歸來仍被
飢驅走又犯洪濤詣鄂州

曉望

水氣浮空暮復朝濛濛六幕似垂綃臥波樹杪微明滅插浪

山根倏動搖魴鱣總看登市賤龍鼉誰遣入秋驕南來日見
戈船下何必吳兒解弄潮

寄耀卿二首

憶乘夏水發歸船一別金風遂動天頻枉音書詢岫壑坐思
英傑間山川渚宮新雁聲初過江浦明蟾影再圓吟管清尊
雙寂寞離愁長在楚臺邊

秋山一老臥蓬門蠹蠹驚聞過客言

謂張殿臣軍門近事

天下奇冤甯

有此江東軍事不須論更從何處求飛將尙惜無人訴

帝闢悲憤新吟寄吾子和歌還望慰忠魂

畲姚俊廷少府

姚成都人時權臨邛尉渡江見訪方有蜀警云將請纓還鄉里

聞道成都錦水傍武侯祠近浣花堂
檻林礙日依然否古柏參天幾許長
無路得持金馬節因君還問碧雞坊
造門更枉投佳什媿乏瓊瑤作報章

仙尉風流復見君一官聊狎鷺鷗羣
擬回太史浮湘櫂歸草相如論蜀文
握手林泉同嘯傲驚心江海尙塵氛
扁舟乘興俄然返相送柴門日又曛

側聽

夷陵江漲沒城郭九十九洲淪白沙
武健非時行擊斷潛夫側聽起驚嗟
似聞封豕猶難制倘念磬鴻未有家
朱博雖矜能折服何如臥閤息紛拏

蓮花橋禊飲圖爲李君題 二首

美人隔秋水望望天之涯秋水不可極迤邐芙蓉花花開亦
何麗照水如丹霞長虹飲天半仙者回雲車下與湘中客結
佩攀瑤華我欲往從之道路幽且遐塵纓久未濯矯首徒咨
嗟空咏水中沚涼露生蒹葭

當年散金大殺賊精悍眉間壯士色今來醉臥芙蓉秋巾服
蕭然成野客丈夫落落栖風塵道與龍螭同屈伸野鳬汀鷺
自爾汝見慣誰識英雄人

三古

三古風斯下諸方俗不齊道師童牧馬政鑒孺驅雞飾智終

多擾澆淳未可隄由來清淨術含德徧烝黎

八月十三夜玩月江皋

秋江何浩浩秋月亦將盈江流夜不湧江月皎且清此江與
此月今夕相合并二儀助勝會顓氣泄其英竇中有風景多
取人誰爭造物亦不禁夫孰謂我羸我覺心神朗豈但骨體
輕放懷縱所納無往非虛明了了悟性體本來常湛瑩惟在
滌元覽無滋纖翳生

中秋夕乘興至江上看月是夕秋暑尤甚

青天萬里一明月下照滄江浩浩流江漲驟成溟渤勢月華
長送古今秋望來遙岫如將渡興發狂歌未肯休俯仰乾坤

惟灝氣人間何處不瓊樓

何曾爽氣薦金飈客暑當秋氣轉驕莫倚笙歌留皓魄卽防
雷雨動中宵世間倚伏難窺測天上盈虧迭長消靜裏澄觀
思柱下先幾無過識能超

洪波行

誰言天道多神奇羸縮常被庸人窺昨日洪波浸千里旋看
潦退成空陂寒暑雨暘皆有極循環晦朔無差忒如何星孛
斗牛躔十載干戈今不息

晨權

夕帆黃歇口晨權子胥祠野鷺獨飛處秋波無盡時搖搖身

似梗惘惘鬢成絲回首瞻叢桂慚吟招隱詞

冒雨渡湖

煙濛濛雨湖濛濛瑟瑟波涼侵羈夢斷秋入水雲多碧柳將
零候紅蕖奈晚何蕭晨感遲暮少壯悔蹉跎

雨泊

黯黯天如墨蕭蕭晝不分葦纒千頃雪荷卷一湖雲羈旅年
年滯淪胥處處聞渚宮猶未達倚櫂悵離羣

飄搖

長天圍廣澤天地一浮漚水氣多成雨湖光併作秋飄搖同
候雁濇泊媿閒鷗乞食栖栖者非懷孔墨憂

征帆

日日征帆傍水村
篷窗羈緒不堪論
涼兼風雨秋將老
漲雜沱潛色總渾
高蹈猶慚黃鵠舉
前盟敢負白鷗言
幾時真遂還山計
蘿挂扶疏只閉門

舟經立甫故宅愴然有作

秋風號破屋猶似泣精靈
一蹶傷英物連年失將星
人才誰復繼吳越
遂難扁嗟汝長驅志空埋劍血青

曉發

雞唱曉雲閒
征橈各未閒
孤舟秋夜夢
一枕故鄉山
隕葉飄無定
奔流去不還
澄清空有志
坐惜鬢毛斑

煙雨

欹岸參差往復還秋林相送碧鸞環一川煙雨空濛外何處
琴音出葦間

三湖守風

柳陰重繫木蘭舟兩度西征阻石尤正是滿湖煙水闊涼雲
留看雨中秋

秋光

遠樹圍村成疊巘遙帆衝霧矗浮圖秋光好在空濛裏不看
晴湖看雨湖

入裏湖波色始清

潦溢川多濁，渟泗此獨清。深涵秋澹碧，定攝景通明。妙翦并
刀快，新裁魯縞瑩。緇塵雖不染，亦欲濯吾纓。

暮泊

蓼花低處繫輕舟，旅客心驚素節遒。日暮西風吹急雨，垂楊
臨水不勝秋。

曉霽

雨過溼雲收，輕帆獨泝流。蟲聲棲迸曉，鷗夢澹忘秋。梁苑看
遙接，荆臺許續遊。相期諸俊侶，翦燭豁離愁。

愁霖

秋雲恆不散，日夜宿湖中。翕勢卽成雨，騰霄不藉風。疲農猶

歎室橫潦尙浮空下土愁霖唱何由徹上穹

湖中卽日

蕭晨欲霽散林煙涼逼菰蘆一色天縱使秋光容易老澹雲
疏雨也堪憐

湖行遇雨

朝來霽色破湖煙驟雨俄教滯客船葭雪九秋涼逼岸封雲
百里碧圍天驚風掠水魚爭躍細浪滌汀鷺獨拳一片秋心
無著處蒼茫梁苑楚臺邊

季秋來講舍庭桂盛開繡樹成詠因與箴三星堂淵甫耀卿
申重九之約

自我返故山皓月當中秋叢桂未作蕊枝葉空相樛季秋至
講舍有桂百尺脩含苞獨蓓蕾蓄意何綢繆重陽適已近金
飈日颺颺佳植若朋舊愆期爲我留根深得氣厚勃發難劍
孿金光湧晴昊精彩驚欲流俊侶喜過從舉酒方相酬漢南
昔攀桂連蜷被巖幽自從惡氛作掃地皆虔劉茲桂秀吾郡
幸逃斤斧憂羈人志招隱遲暮猶可求黃雪散千斛天香空
際浮側顧東籬下菊英亦漸抽菁華併顙氣競時各未休白
藏騁妍麗餘力何其優月華復冉冉來照中庭遊寄言二三
子且與傾金甌寒霜凜欲下無歎飛光遒

晚坐桂樹下復得三絕句

縹渺眾仙來玉宇
香光丈佛湧金身
仙根忘却秋將老
不畏清霜夜嚮晨

誰吹黃霰糝林端
天近重陽候漸寒
雁戶倘堪金粟飽
便分金粟勝金丹

秋香未及月當中
爽氣猶迎落帽風
招隱小山遲亦好
歸來三徑待陶公

登樓

蕭晨望遠獨登樓
直北烽煙繞

帝州天轉

龍旂關路迴霜高
熊館塞垣秋從官
交待千牛衛供帳
誰迎

入駿遊邊地黃花開近

輦名王拜奉萬年甌

朱雲門觀察爲畫螺洲釣宅圖龍以題句賦詩報謝

使君才氣濟川舟餘事能兼顧虎頭逸興爲摹青筍笠高吟
還動白蘋洲便從荒徑招猿鶴遂有歡聲到鷺鷥自喜敞虛
波不撼將憑綵筆壓江流

古愁

難謁靈修叩化機古愁終日淚沾衣但看陽谷騰朝旭誰向
咸池挽夕暉周室王城徵再築漢家火德值中微瓶寒葉落
皆恆理先事由來悟者稀

真人黃鉞下燕關於鐐

神功宇宙間玉檢告天標日月金甌括地鞏河山千年文軌
通諸夏重譯梯航走百蠻

列聖聲靈猶赫濯甄虞陶夏迥難攀

天威無外讐滄瀛誰料波臣敢弄兵跋浪盡驅蛟蜃族傳烽
直薄

鳳凰城八關都尉環畿甸七萃戎車列

禁營聞道柏梁臺盡燬

離宮炬火徹宵明

六飛踰塞重

時巡扈蹕方明衛百神霜信

帷宮嚴樞栢星文

帳殿應鉤陳旌旗灞上分屯日車馬岐陽大獵辰盛典

先朝仍

續武烽煙不犯

屬車塵

家世陰山貴且強出身爲

國掃欃槍親提代北沙陀部羣倚汾陽異姓王直奉心肝扶
社稷不教鱗介易冠裳捷書早晚迎

鑾速送喜騰聲徧萬方

休驚寰宇半兵戎多難興邦自昔同引過建中哀痛詔納言
貞觀諫爭風臯夔夾陛調元化方召登壇奏武功翹首

憂勤銷阨會

配天寶歷耀無窮

百柱堂全集卷十九終

百柱堂全集

卷十九

五

百柱堂全集卷二十 辛酉

監利王柏心子壽著

雨中移竹

臨窗地稍隙冒雨鋤蒼苔移得數竿竹殷勤深自培客來道
物理榮落何常哉瓊花及玉樹今方萎且摧朝看野草蔓直
上姑蘇臺暮見洛陽陌銅駝荆棘埋人生等傳舍萬類皆浮
埃一笑起謝客此君堪共陪達觀豈不悟且欲娛襟懷寒篁
望擢翠將掃凍雲開歲晏雪霜下鳳凰來不來
植芙蓉

羲輪逝不止元冥俄司冬蕭齋種竹罷遶檻方支筇畦間有

餘地掩映植芙蓉騷人想奇服木末如相逢青女氣何肅霜
華亦已濃誰知妍麗質乃有端勁容臨鏡作春態爛然錦繡
重天寒正藉汝吐豔慰龍鍾何況拒霜性凜凜猶貞松

曉赴沙津

郭外上朝暾栖鳥散遠村微霜輕約樹寒潦亂侵原浦外葭
蘆折畦間荇藻翻涉冬猶汜濫天意固難論

劉琪峯茂才過訪枉詩見貽答贈四首

同浮一江水相失百蠻天豈謂依劉地眞乘訪戴船風塵雖
落落文藻故翩翩搖筆吾衰甚尊前避少年

歸昌鳴中律世未識長離英俊飄搖日乾坤板蕩時數椽殘

燧火入口寄江湄落拓歸來晚仍嗟索米飢

荆臺非昔日勝概總沈淪蘭沒羅含宅茅荒宋主鄰英雄留
割據詞賦委風塵懷古君才健高歌淚滿巾

塞雪霑

黃屋邊風拂

翠華誰清

雙鳳闕卽返

六龍車事異唐天寶時非晉永嘉區區發恤緯相對泣人涯
園丁以竹至續種之

入林增六逸壯我歲寒盟根許陪龍卧柯還答鳳鳴搖金徒

月影憂玉助風聲直待春雷後淩雲節便成

日出入行

日之出入有常家西經濛汜東若華天街躔舍表黃道何爲
頓轡淹龍沙陰山積雪高崔嵬紇千凍雀號且哀不聞黃竹
唱誰進瑤池杯是間但有黑龍銜燭照幽朔嗟爾三足之鳥
胡爲乎來哉羲和夾左右失職乃其咎中州不仰至陽精銷
落更誰辨箕斗自從日馭行寒門九土窮奇無不有綦綦腹
蛇日啖人白骨纍纍若邱阜吾將叩閭闔祈上元魯陽揮戈
黃人捧大丙王良相後先矯首赤龍起奮輓火輪扶上當中
天

天醉

海水羣飛大地波黃金臺勢沒嵯峨百年果有伊川痛五子
猶聞洛汭歌闕下戈鋌喧鐵馬宮前荆棘泣銅駝生靈芻狗
嗟今甚天帝銜觴醉若何

威制蠻夷控八埏

聲靈王會肅千年豈聞潛鱷能升岸未信神龍可脫罟
雲罕星旂秋出塞參旗井鉞夜臨邊不逢金母瑤池宴雨雪
誰賡黃竹篇

鳳城遙望聳雲間宿衛期明日夜環竟有蚍蜉搖大樹曾無
虎豹捍天關諸侯當爲尊周起

大駕誰迎幸蜀還溫嶠不生陶侃沒野夫江上淚空漣

傳道長安事日紛腥風九陌徧妖氛鯨牙裂網翻三島蜃氣
噓樓偏五雲柳市夸琛方列肆棘門兒戲未成軍神州赤縣
張番樂舁衍魚龍總不分

嫚書恫喝逞窮奇喋喋珠盤載誓詞鱗介將消秦郡縣侏儻
敢雜漢官儀九州憑髓猶難壓百計吹毛悉是疵賈豎白徒
能跋扈雷霆何不奮

王師

力扶鰲極笞

恩深眾口囁囁遂鏤金昌國立功翻見忌汾陽罷將獨何心

威名堪寄北門筦棄置徒悲東武吟戚里孤忠天一柱蒼蠅
休得巧相侵

寒雪三春百卉傷漂山夏潦駭非常愁心氛霧迷天闕淚眼
虹霓蔽日光

九廟神靈原陟降

六師威武足張皇

宵衣撥亂猶非晚

旋軫鑾輿撫萬方

庚申至日感往愴今成七律二首

先帝昔年長至節官儀曾忝綴駕行燎通燿火

瑤壇肅仗繞祥煙

玉殿香龍虎節頒馳絕域鰈鰒郵進貢

明堂

天家威德猶堪述記憶分明畫省郎

今年至日感蕭條北望

龍旂塞上遙三輔未看蒼莽斂干官猶夢

紫宸朝謳吟率土難忘漢雲日中天總戴

堯官守誰趨

行在所傾葵無路進和招

對雪憶燿卿

蕭齋昨夜朔風驚玉戲天公頃刻成一鶴啄苔寒獨立羣烏
擁樹晝無聲人間葭琯回陽律江上梅花繫遠情逸藻俊才
吾最憶芳尊猶悵隔高城

答張小雲茂才

輕權還鄉里霜寒橘柚繁江聲通蜀道山勢接荆門汲古才
逾健甘貧道益尊干戈雖未息終不阻鵬鷺一

蕭齋風雨夕念子最英奇大雅非寥落周年易別離題書勞
執訊望遠更裁詩正遇傳牋雁知予返櫂期

得唐鄂生司馬蜀中書却寄

故人有子爲虞詡盤錯朝歌利器同按劍晨摧堅陣破銜枚

宵燕逆巢空徒薪憂禍先陳策大樹逃名不上功知汝威名
將鎮蜀韋臯持節錦城中

書來感激意何哀太息波流未可回階亂幾曾澄吏道貼危
終不辨人材桓桓誰鑒凶門出擾擾翻增利孔開世事大都
如蜀比杞憂無語罷銜杯

吞聲行

孟氏戒言利吁嗟言之長家國奪不饜爭端多殺傷豈知百
世下華夷泊其防窮島十萬里豎亥所難詳算船敗互市毒
禍機牙張鼉什尾閭溢沸天撼扶桑曜靈驂恐溺改轍淹北
荒鰥使抗盟會鮫人雜冠裳郡國徧海市乾坤爲樞場罄盡

九州血不充鯨鰲腸蜚母五都集蜚樓千尺強祇神鼓雄誕
二氏莫能當駟僧擅擊斷裂盡百王綱哀哉禮義俗化爲鱗
介鄉夷吾不復作姬旦亦已亡吞聲勿復道天道猶茫茫
舟次寄春澤箴三淵甫燿卿

蕭蕭寒岸樹澹澹曉湖雲只覺津途迴渾忘浦溆分眠鷗殊
自穩離雁不堪聞回首渚宮集英流憶數君

風利渡長湖

年來無事快人意歲暮歸帆獨遇風不睹龍驤舟楫會漫隨
鷗戲水天中凍雲凝雪陰難散寒潦吞湖氣尙雄遙憶梅花
春信早家山隱隱大江東

冬仲歸舟見積潦歎之

嚴冬十一月歸舟凌渺漫訝此數百里湖澤今何寬
夏秋潦絕壯冬盡猶驚湍宿麥不得種耕氓垂淚看一飽乏藜藿
念鶉衣單租賦豈能貸軍糈況又殫水行不就下驕蹇仍盤桓
陽德或少弱陰邪乘此干蚩尤敢怙亂流血成波瀾天吳
拔海怪擥蠱如戟攢

禁軍失捍禦別館多燒殘

龍輅幸關外飄搖邊塞寒民生久憔悴

國步方艱難嗚呼水潦盛厥象爲兵端銷弭豈無術英豪猶
屈蟠滔滔未歸壑鼃極何時安

題汪禮門表弟詩卷

干戈滿地鼓輦哀薦辟紛然幕府開盡道屠沽皆奮躍誰知
奇傑尙塵埃悲歌漸遣英雄老濁酒難消磊落才漫興起吟
三十首頭驚風雪捲空來

卷中有漫興三十首

蒙氣

水國陰常積寒霄霧總凝誰清天闕翳立捧日輪升蒙氣嗟
方甚陽精恐未勝已慚無曝獻邊侯況凌競

太息

登壇貔虎握軍符太息勤王一旅無赴難猶慚陶太尉尊周
空慕管夷吾寰中賊虜遺君父帳下芻糧竭轉輸節饒平生

心許

國因應傳檄會匡扶

鎖鑰

慧拂天彭井絡中
白丁持挺化爲戎
不聞方略求張詠
或恐流人奉李雄
蜀錦巴賚爭索賂
庸奴賈豎起論功
劍門巫峽連秦楚
鎖鑰猶思嚴鄭公

歸舟風利不三日已抵里

長飈西北送歸程
獵獵蒲帆夜有聲
可惜平吳好風力
將軍不下建康城

季冬寒甚

冬寒今獨甚冰壯雪頻飛
運借兵刑氣天回凜烈威
摧傷增毅力閉塞兆生機
消息常如此誰知造化微

對雪

塞遠風逾厲天寒

駕未歸陰山三丈雪莫傍

翠華飛

旬日以來雪勢未已

莽莽陰山雪乘風入塞來因畱

丹鳳輦故徙白龍堆九野琪爲樹千峯壁作臺遙聞

行在詔

法駕按春回

一雪經旬日山川望不分朝沈鴻雁渚宵唳鸛鵝軍獻曝情
空切回陽律未聞窮欄懷百慮薄酒不能醺

過園對雪寄耀卿

家山對雪帳離羣欲折梅花遠贈君流影尙疑荆渚月回風
難寄洞庭雲溪橋得句誰當和燈閣開樽孰共醺猶憶早春
能放權郢歌還待幾時聞

序人季冬兼旬風雪寒威尤厲

冬雪農所欣過甚反爲沴積潦况未消寰區徧烽燧朔風晝
夜號寒威亦何厲浮雲結重陰閭闔儼深閉走獸凍落毛飛

禽銜羽避三軍嗟瘵膚疲氓半僵斃頻年冬候愆眾情狂溫
惠酷烈驟然更慘怛可憂悻明明上天心仁愛豈遽戾元冥
雖司時焉敢怙權勢鼇怵滄海波震蕩及幽薊勃然召雲將
赫怒實天意滕六盛濟師前驅掃氛翳助張殺伐威大戮鯨
鯢輩不爾春將回苦寒盍爲至翹首祝太清六合卽開霽紫
陌迎陽輝黃圖煦淑氣

鸞旗翼百神行返蒼龍轡

瞑坐對雪

回風吹急雪雜遝舞檐端莽莽川原合沈沈天地寒潛機春
信近流影歲華闌山館疎梅坼猶遲蠟屐看

冒雪行視里中江流決處

北風亂捲沙壩雪漠漠江天鳥飛絕兩涯東西岸若山中有
沈沈一川裂居人道昨重陽前江勢西來吞百川天公欲賜
濯龍淵奪我千頃桑麻田洲腹橫截隄中摧江湖合勢聲喧
颺如虬古柏委根幹故時廬井安在哉漢鑿褒斜鑿底柱功
不能成役徒苦豈知人力終遜天頓化平疇作水府君不見
厯陽一夕沈爲湖汝南鴻隙陂忽枯千年岸谷未足恃萬事
翻覆何時無老農汝勿吞聲哭官吏乘春興販築潦涸蛟龍
當徙族南風還汝稻苗綠

立春

涼雱雨雪歷三旬天上珠栒乍指寅此日邊庭猶駐

輦條風先發塞垣春

湘秋惠龍窖茶

臨湘邑東有龍窖山產茶名雲霧茶

封題佳苑貽龍窖鄭重傳書度鴨闌摘葉携從雲霧窟燃松
烹對雪霜寒夢餘酒渴消除盡天外詩心湧出看一盞便成
功德水報君猶媿乏琅玕

木冰行

滄江倒捲朔風勁猛雨澆寒寒轉盛封條一夜盡成冰萬樹
瑤林皎相映古云木介達官災天意蒼茫豈易猜崇班尸素
生何補只莫凋殘柱石才

寒霖

層冰飛雪壯峨峨冬潦縱橫捲白波更苦寒霖喧晝夜眞愁
平地溢江河哀鳴傍渚餒鴻滿落羽連山凍雀多皖上凶渠
猶索戰十年曾未靖干戈

東隣陳君韻石得松根如芝負以見貽

誰劖深山百尺松松根入地曲蟠龍肪凝石氣連蜺古精化
芝雲掩覆重逸客好奇能負贈衰年相對與從容金光照室
如靈草何必蓬萊海上逢

新正三日復雪

辛酉

昨冬方苦雪飛雪復乘春似妒疎梅豔翻爭彩勝新寒猶侵

邃室凍未解通津只訝開懸圃瓊瑤委路塵

赤驥仍拳跼金烏只閉藏不知司橐籥何憚奮陽剛淑氣遲
平壤層陰壓大荒始和乖布令吾欲咎勾芒

寄黎伯容參軍

風塵羽檄尙頻飛日日滄江宦興微寒甚最嗟黃竹咏春來
惟望

翠華歸鷗鳬踪跡同盟久鴈鶩文書畫諾稀閉戶新吟堪自
遣只愁零落故山薇

春感

候有冬春異時無雨雪休寒門天大啓沙塞

帝仍畱艷國朝正滯山河帶甲愁飢鴻遲北嚮嗽羽向汀洲
寄展其明經

英英吳季重後乘逐高軒若上白鱗對當登金馬門處囊韜
利穎傾峽倒詞源聞闔秋風近方瞻勁翮騫

奉寄袖石方伯

朝廷近日謀西幸扼險峭函正直東再轉屏藩高岳牧三秦
門戶倚河嵩時危可少桓文業地近尤資晉鄭功翼戴方今
數才略非君誰任出羣雄

高李歌呼壯昔遊吹臺逸矣悵難求一時詞客隨雲散萬古
河聲入海流垂老遙思追嘯咏故人今見擁旌旂方當命駕

輕千里來作梁園十日留

春寄張仲遠觀察

罷職彌憂國投閒益效忠
傾陽瞻塞北決策贊關中
陸相艱難計留侯社稷功
謀謨能見采何謝古人風

羸病逢多難江湖歎遠臣
空令鑒國手徒作養病身
骭骸醒還醉悲歌秋復春
無爲安石臥終起靖烽塵

贈方生柳溪

正學先生裔徙居江陵

道在章縫業天扶忠義門
孤寒惟石隱正學有雲孫
秔稂艱營飽菰蘆密作村
暮霞送飛鷺引領獨忘言

泛宅本吾志結隣惟汝宜
湖天塵不到浦溆路誰知
榆柳雲

深處芙蓉露下時相携堪避世只借水中坻

孟春中旬始有暖意

累月寒威厲今朝淑氣伸誰將機暗轉頓遣物皆春候喜羣
生營功歸大造仁陽回看紫陌花柳欲爭新

鄧仲嘉茂才見和拙詩疊疊逼人賦此寄之

和歌搖筆走驚霆陣掃千軍勢未停年少獨憂邦杌隉詞雄
堪壯

國威靈嗟予苦調摧華髮期爾和聲曦

紫庭風格前賢欣不墜追驂婁水躡滄溟

答淵甫耀卿對雪途次見憶之作

當君對雪憂行旅正我茅堂欲

詩三日帆行五百里家山

殘雪未消時

大鈞篇

天公以陰陽爲大鈞德刑並任相彌綸奈何縱陰慘陽閉不
得伸吾觀五行四序淆然若冬非我冬春非我春潦高六百
尺積雪深丈餘栖山患陳路依澤患爲魚嗟我民人安得穀
食而鵜居何況蟹虹下雰霧作彗孛生風雨惡鼉扑鯨顛滄
溟蕩薄鑿齒出啖人魑魅晝逢若軒帝當之亦錯愕茫茫襄
野途安託我欲招巫咸巫咸久上天我欲起重黎重黎職不
傳遂令三辰掩蔽二氣乖愆駢災疊變駭未覩九疇洪範之

書難盡編江干老叟心如結淚血臨風向誰說便恐天柱傾
地維裂無人制共工禍萌不可折乃知杞國非愚人惟有憂
天至深切春風日日吹龍沙安得送我眼中血

春雪

翦放瑤花影萬重東皇曾未得從容休驚人世干戈滿天上
朝朝戰玉龍

苦雨

夷道懸冰峻巴山積雪多方春霖不絕入夏漲如何但見銅
渾轉難期玉燭和淪胥憂澤國寢海况兵戈

千村無葑麥彌望總淪漣鴈鷺浮爲宅蛟龍奪作淵帝仁難

可恃農命藉誰延牛種存何益春耕未有田

望湖吟答吳南屏學博

同在洞庭湖畔住行吟日望湖邊路湖雲冉冉接蒼梧南幸
重華渺何處因憶古皇生古愁對山巡海事悠悠襄野曾迷
軒帝轍弇山空騁穆王遊祖龍意氣驕千載鞭石駕鼉望東
海大魚吹起波連山金闕蓬萊竟安在當年芝蓋遠飄搖萬
里徒嗟歸路遙不見湖中悲帝子千春淚竹恨難消昨君寄
我湖上吟動我離憂萬古心湖漲湖消憂不歇憂端直共海
波深

渡江行山中

踏徧江南岫都如春未歸峰晴浮黛薄泉冷咽聲微隴雉猶
難覆林禽亦少飛寄言桃與李何日是芳菲

白荆橋閒步

磴狹林風急橋回石瀨分人家圍峻壑春色滯寒雲孰啓籠
山利翻嗤力穡勤乖厓今不作誰與鎮巒紛

重過斷山凄然有作

往與浴吾意遽避兵于此

昔年同此避黃巾宿草堪嗟褻屐人重過黃鑪惟灑淚連山
松竹不成春

咏紅梅

羅浮有仙子過飲上元家綽約猶凝雪菅騰已暈霞洞天多

絳節靈液足丹沙凡豔羞桃杏空然鬪麗華

智士

梁晉持河上周齊戰洛陽出奇虛可搗決策敵難防往事昭
成敗兵形用喻張臨機無智士苦鬪日扶傷

二月五日書所見

何來海舶入江湄飛渡毛車信有之萬古乾坤開俶詭九州
堂奧混華夷

朝廷有策施三表帷幄無人畫六奇剡木濟川由古聖誰知
階厲至今貽

賈胡翻作伏波畱紫蛙明鱗映蜃樓莫信羈縻求內屬豈真

文物墓中州金牛炫蜀能無詐璧馬欺虞大可憂但使
天威終震疊不妨權計示懷柔

論都

烽火照燕山

宮廷甲自擐不聞版泉戰遽出薊門關
癸災先兆

巡遊轍未還萬方朝集使北首望

龍顏

鎮未雄三輔謀仍輟五遷阻兵艱運道並海
逼烽烟虎旅誰憑堞

龍旂尙駐邊論都原大計高議在

朝賢

虛慕關中勝羣公抗表言私憂懷杞國隱患伏花門莫倚轂
函險終虞供億繁金城殊昔日蕭索五陵原

河山雄表裏天下晉尤强若建

新宸極端居古薊方舟船諸道達阨塞九邊長

行在宜并土何人叩

帝闔

千官扶

鳳輦

萬乘涉龍沙天自開黃道春當返

翠華名王勞獻炙

禁旅久離家八駿歸原速無言塞路遐

古來多難會亦有不臣朝懲往中興速思艱反側消儉勤師
夏禹哲惠配唐堯國脈千年固苞桑孰動搖

春興

南山飛白雲晴黛落江北江波生綠痕演漾汀洲側昨夜新
漲來柴門送春色稊柳舞輕風傾倒不自息翩翩黃鳥飛窺
徑如舊識遊蜂亦有聲沙暖臥鷗鷺累月韜三辰沍寒凜相
逼青陽今始暄淑氣川原塞桃杏雖未花芳韶勢難嗇不知
元氣中鼓蕩孰爲力百昌出乘機誰謝榮華德吾生愛景光

欣欣偕動植逍遙及良辰何不蕩胸臆

蕲黃

東塞侍蕲黃烽烟未易防途衝成四戰寇近華千瘡進每憂
狼顧疎難禦獐任何曾懲往事歲歲誤多方

始雷

天邊惟積霧春半始聞雷陽挾重泉出光潋六幕開蛟龍驚
壑底魑魅泣山隈閭闔陰雲解方迎

法駕回

入山寺

灌木蔚成陰山中春氣深風香團雜卉谷響哀幽禽樵牧或

時造煙霞惟獨尋僧寮無一事鐘梵不聞音

繞寺岡巒抱窮探磴路斜展沾幽蘚迹袂冒野藤花湖漲多
侵麓江浮漸沒沙獨遊清興慙兼得攬春華

清明書感

芳辰寂寂掩山家山外長風蕩浦沙但有蒼黃憂燧火絕無
紅紫鬪春華戈船時見張征旆綺陌空思走鈿車日費黃金
求武猛誰知豺虎尙紛拏

歸雁

屬車秋度漠陽鳥入關飛雁序春仍返龍荒

狩未歸戈鋌江浦盛霜雪塞垣稀念爾呼羣急過征候不違

傷春絕句

鶯花今歲總愆期過盡清明上巳時
除卻薜蘿與楊柳春來春去有誰知

齊安一夕化爲戎西鄂仍驚燧火紅
血色天桃臨水泣年光多在亂離中

面上帆檣日夜過倉皇盡室避兵戈
頗憂鼙鼓翻江漢不獨郊原虎兕多

未知何處可移家但覺紛奔似永嘉
莽莽荆榛蔽南北人間誰見武陵花

旅泊茫茫江上春天涯揮淚對芳長
汀洲千里多蘭芍誰是

臨流被襖人

三戶殘黎最可傷
年年只上避兵航
東風吹綠無情水
不管傷春人斷腸

雲卿太守舟過敝里風利不得泊遣持小照索題

盤渦日夜鬪雷聲
坐嘯蓬窗了不驚
峽勢直從天上落
道心常向險中平
蛟鼉跋浪徒相伺
鷗鷺翻飛自覺輕
別有萊公開濟意
何妨野水一舟橫

功名海擢二千石歸興難忘卅六亭

在君山

世事尙憂烽火赤

家山遙隔洞庭青
昨乘飛權過蘋渚
未得征帆泊柳汀
宦海蕭然忘寵辱
只君鴻鵠獨冥冥

雲卿太守被檄領江漢互市事詩以寄之

楚江互市啟權輿調護知君智有餘
暫用懷柔馴蜃鯨還憑忠信格豚魚
通賓黠使侏僂雜聚族蛟人陸地居
漢過不先今日始銷萌未可制防疏

牡丹

風鶴滄江淚不乾春光斷送百花殘
香雲紅雨從他散誰更林亭問牡丹

柳

作縷黃金才幾日飛花白雪已連朝
春風欲去未能去江北江南柳萬條

後傷春

豈真鄒子便無歸誰與旄邱賦式微正是春江花月夜滿天
烏鵲繞枝飛

方城漢水尙依然風鶴才聞已播遷莫訝傷禽飛易墜故瘡
猶自怯聞弦

翠羽明珠委路塵紅顏擁髻泣江濱年年避寇當三月漂泊
楊花不算春

江干雨後落花多拂水沾泥奈若何猶勝浮家諸士女殘魂
生死任風波

汀洲極目莽風沙泛梗漂萍未有涯自恨不如新燕子羈栖

好去傍誰家

大江東下無安土日夜千帆盡向西聞道夔門更西上烽烟
紅照子規啼

楚塞東連寇壤環番踪互市偏通關亦知鄉井原無恙縱落
天涯未擬還

遷衛封邢拯阡危齊桓功在一匡時交侵中國才如綫讀史
千秋有所思

寄訊伯容參軍

驚定詢黎子將無賦式微城虛民去久春盡吏還稀潛鱷江
湖同傷禽日夜飛叢憂與孤憤迸作淚沾衣

烈風五晝夜疾甚焚輪南風甫止北風旋作

南北風相競喧如萬鼓輦雌雄爭楚漢勝負角周齊石蹶干
林震塵揚六合迷茫茫真宰意盛怒盡爲齋

憶昔

憶昔唐宗幸陝年方州赴難尙遷延誰憐蜀道孤臣淚白髮
深山拜杜鵑

洪湖曉發

湖風送征艇不異泛仙槎遠色浮青靄翔陽湧赤華喧豗驚
未息瀕洞駭無涯惟有舟前鷺飛飛掠曙霞

疾風過桃花井

翠葵暎新萍。還回渚。復汀飛來片帆。影劃破水天青。
種桃人不見。空說桃花井。短艇送殘春。飛花去無影。
帆腳驚歌側。顛風尙滾沙。生憎雙燕子。掠水鬪輕斜。

三月廿五日舟中作

次日立夏

寂寂扁舟裏。天涯此送春。青陽遲暮日。白首道途人。
桑柘陰相接。菱蒲萼又新。維舟問鄰舫。多半避烽塵。
繫纜古隄口。沿岸行見連理木。詠之

殊根均苳蔭。結蓋共枯榮。龍劍雌雄抱。鴛巢左右鳴。
蕭朱慚意氣。管鮑喻交情。亦有孤桐怨。春來半死生。

曉渡三湖

仙人戲海上誤墮碧玉壺壺中盡仙醞瀉地爲明湖日華下
照之靜見龍銜珠我舟御風至愛此鮫綃鋪幽境絕寥曠蕭
蕭菰與蘆烽塵半天下是間吹到無憶我舊釣宅洲畔多蘅
蕪終愁邇豺虎挈爲榛莽區更欲託中泚移家來寄孥從茲
謝物役啟社招鷗鳬

襄湖

襄湖尤雋絕可以喻廉貞一勺試分飲我心如此清龍鱗隨
日見雁齒帶雲橫誰道壺天小中涵萬象明

卹帆

片帆西上挾長風三日輕舟達渚宮千載蘭臺詞客去何人

堪賦大王雄

舟次寄耀卿

吹笙年甫壯馨膳侍雙親藹藹庭除內好風清且淳深心探
古義閱覽謝時人不遣文章露誰能測鳳麟

昨歲來時路曾聯李郭舟風花三月暮鼓角萬方愁楚塞烽
仍逼江關戰未休新亭餘涕淚只合共君流

送李月卿公子攜家寓居公安

忠貞門第歎流離磊落風塵故自奇玉樹當年原愛子羽林
今日是孤兒九州燧火狐鳴野八口驚魂鵲繞枝行矣桐卿
堪卜宅報劉猶得展烏私

百杜堂全集

卷二十

三

送張涪山同年謝病歸田

眾皆先治辦子獨守廉平不遺吏民擾自然齋閭清從容能
化俗悃悃久忘名忽惜鄧侯去咨嗟父老情

烽煙徹寰宇獨念故園扉耕隴桃源邃巾車栗里歸去思他
日永高蹈近來稀望裏燕山迴還雲倦更飛